



Broj: 09/2-16-8-27971-13/23
Sarajevo, 16.10 2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za nabavke utvrđenog u Zapisniku broj: JN1-16-8-27971-12/23 od 10.10.2023. godine, u postupku javne nabavke izvođenja radova krečenja u objektu Ministarstva inostranih poslova BiH za LOT-1 - Molersko-farbarski radovi u objektu MIP BIH, donosim:

ODLUKU
o izboru najpovoljnijeg ponuđača

Ponuđač „Colorex“ d.o.o. Mostar sa ponudom zaprimljenom kod ugovornog organa dana, 04.10.2023. godine pod brojem: 09/2-16-8-27971-4/23, proglašava se najpovoljnijim, te se imenovanom ponuđaču dodjeljuje ugovor za nabavku izvođenja molersko-farbarskih radova u objektu MIP BIH – LOT-1.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-16-8-27971-1/23 od 22.08.2023. godine, u kojoj je predviđeno da procijenjena vrijednost javne nabavke iznosi 77.400,00 KM bez PDV-a, od čega sa LOT-1 – iznosi 67.000,00 KM bez PDV-a.

Obavještenje o nabavci broj: 253-7-3-30-3-54/23, objavljeno je na Portalu javnih nabavki dana, 21.09.2023. godine, kao i u „Službenom glasniku BiH“, broj: 67/23 od 29.09.2023. godine.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-aukcije.

Komisija je Zapisnikom o pregledu i ocijeni ponuda za nabavku izvođenja molersko-farbarskih radova u objektu MIP BIH – LOT-1, broj: JN1-16-8-27971-12/23 od 10.10.2023. godine, konstatovala da su do roka prijema ponuda, 04.10.2023. godine, pristigle ponude sljedećeg ponuđača:

1. „KUĆA-STIL“ szgr s.p. Rogatica, dana, 02.10.2023. godine u 09:35 časova, sa ukupnom cijenom ponude u iznosu od 78.231,97 KM, odnosno u iznosu od 66.864,93 KM bez PDV-a,
2. „GROS-COMP“ Hadžići, dana, 04.10.2023. godine u 09:05 časova, sa ukupnom cijenom ponude u iznosu od 78.231,97 KM, odnosno u iznosu od 66.864,93 KM bez PDV-a i
3. „COLOREX“ d.o.o. Mostar, dana, 04.10.2023. godine u 09:15 časova, sa ukupnom cijenom ponude u iznosu od 78.231,97 KM, odnosno u iznosu od 66.864,93 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Na osnovu prethodno navedenog, istog dana, a u skladu sa tačkom 2.3.1. tenderske dokumentacije, kojom je utvrđen kriterij za dodjelu ugovora „najniža cijena“, Komisija je konstatovala da su se za proceduru provođenja e-aukcije kvalifikovali sljedeći ponuđači:

1. „KUĆA-STIL“ szgr s.p. Rogatica, sa ukupnom cijenom ponude u iznosu od 66.864,93 KM bez PDV-a,
2. „GROS-COMP“ Hadžići, sa ukupnom cijenom ponude u iznosu od bez PDV-a 66.864,93 KM i
3. „COLOREX“ d.o.o. Mostar, sa ukupnom cijenom ponude u iznosu od 66.864,93 KM bez PDV-a.

Nakon završene e-aukcije koja je održana dana, 09.10.2023. godine u 11:00 časova, a na osnovu Izvještaja o toku i završetku e-aukcije, Komisija je konstatovala da je konačna rang lista ponuđača bila sljedeća:

1. „COLOREX“ d.o.o. Mostar, sa ukupnom cijenom ponude u iznosu od 53.500,00 KM bez PDV-a.
2. „KUĆA-STIL“ szgr s.p. Rogatica, sa ukupnom cijenom ponude u iznosu od 54.900,00 KM bez PDV-a,
3. „GROS-COMP“ Hadžići, sa ukupnom cijenom ponude u iznosu od bez PDV-a 66.864,93 KM i

Komisija je takođe konstatovala da je u skladu sa tačkom 3.1.4. i 3.1.8. tenderske dokumentacije, ponuđač „Colorex“ d.o.o. Mostar u okviru ponude dostavio i svu potrebnu dokumentaciju traženu po članu 45. Zakona o javnim nabavkama BiH („Službeni glasnik BiH“, broj: 39/14 i 59/22).

Cijeneći navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuke da se donese Odluka o izboru najpovoljnijeg ponuđača za nabavku izvođenja radova krećenja u objektu Ministarstva inostranih poslova BiH za LOT-1 - Molersko-farbarski radovi u objektu MIP BIH ponuđaču **„Colorex“ d.o.o. Mostar sa ukupnim cijenom ponuda od 53.500,00 KM bez PDV-a.**

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Elmedin Konaković

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju
3. Evidenciji a/a.

